



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

Tertia lex Iustitiæ.

[urn:nbn:de:hbz:466:1-47105](#)

202 SPECVLVM ECCLESIASTICORVM,
thore Themystio : Verus est Iudex, verus Princeps;
qui auro est inexpugnabilis : & qui, vt ait Bion Phi-
losophus, studet è magistratu discedere non ditior,
sed clarior.

Quo in genere nostro sèculo illustrefuit exem-
plum Thomæ Mori Iudicis æquissimi, Inuictique
Martyris. Huic olim vidua, cui litem adiudica-
rat, obtulit poculum aureum, accepit ille quidem,
C. 3. vi.
tæ claus. sed vt erat ingenio facili, ac faceto, illud vino re-
plens ei præbabit, ac reddidit.

In Epis-
tola qua-
dam. Ita nec aurum tenere, nec auro teneri potuit in-
corruptus Iudex, cui ius ipsum & vna æquitatis ra-
tio pro auro, & pretio fuit. Et talis esse debet, inquit
Petrus Rauennas, Iuris minister, vt in eius manu
nullius authoritate personæ titubet, aut vacillet libra
Iustitiae, nullo pondere sese deprimi, ultra quam
oporteat, patiatur.

TERTIA LEX IVSTITIAE.

P. 83. v.
72. **E**A est, vt non personæ, non dignitatis, non
potentia, non fortunarum ratio habeatur:
sed ne sanguinis quidem, & amicitiae eorum, quos
nobis natura coniunxit, & caros fecit. Plus enim
tribuendum est iuri, quam sanguini; huius æquita-
tis legem tum in Deo rerum omnium moderato-
re, tum in Christo supremo mortalium Iudice, ac
Sacerdote videamus. De illo cecinit olim Propheta
regius, *misericordiam & veritatem diligit Deus.*

In

In Hebræo legimus *semes Vmaghen Iehoua. Sol, & scutum Deus.*

Componitur Deus cum sole, ac scuto, & certè quam aptissimè. Sol ille aspectabilis orbis oculus, ex æquo surgit, lucet, calet, ardet omnibus, etiam impijs, nefandis, sacrilegis, quos cœlum odit, ac detestatur; scutum vero non modò caput tegit ut gala, non pectus tuetur ut thorax, non crura velat ut ocreæ, sed quaquaversum flectitur, ad omnium membrorum tutelam, & incolumentem. Eum se mortalibus ostentat Deus factus omnibus quod orbi sol, quod militi scutum, nam & malos à sequे auersos perfundit tamen beneficentiaæ suæ radijs, & suo præsidio tuetur, si forte resipiscant; & suaves, atque amicas diuinæ Iustitiæ leges amare, ac timere discant.

Eandem æquitatem & primum in omnes affectum Christus ostendit: visus enim D. Ioanni in medio candelabrorum aureorum, id est Ecclesiæ, quæ sunt veluti candelabra aurea in domo Dei. In horum medio consistit ac hæret, ut omnibus communis sit, & ad nullum accedat proprius, à nullo longius recedat.

Eandem æquitatem aperit illud eloquium, quod Seruatori iam inde ab auitis sæculis inscripsit David, *Tu es Sacerdos in æternum secundum ordinem Melchisedech.* Cur, inquires, secundū Melchisedech, non

Cc 2

autem

204 SPECVLVM ECCLESIASTICORVM,
autem secundum Aaron? ista ad rem meam ratio
facit. Quia vt Melchisedech nullo cognitionis tan-
gebatur affectu, vt potè dictus *sine patre, sine ma-*
tre, sine genealogia: ita & Christus nullo sangu-
inis sensu poterat commoueri. Et hinc quoque fa-
ctum, vt sicuti qui nullo trahuntur affectu, dicun-
tur illi è lapidibus, è rupibus, è saxis verius excisi,
quam cæterorum hominum more, viaq; progeniti.

Virg.

Genuit te cautibus borrens

Caucasus.

Ouid.

Et. *Natus es è scopulis*, canebat olim Vates: ita
Christus ab Isaia dicitur è petra nasci. *Emitte, in-*
quiebat olim cum alto gemitu, Agnum Domine
dominatorem terræ, de petra deserti: de petra
emittitur, quia expers amici sensus, expers affe-
ctus, quem vitiosa natura cuique nostrum ingene-
C.16.v.1. rat: solo rationis ductu, sola patris æterni volunta-
te, trahi se sinit, vt in hunc potius quam in illum
diuinæ gratiæ fontes, cœlique beneficia diducat.
Quod satis, superque patuit, vbi de Ecclesiæ capite,
de summo Präfule, ac Pastore quæstio incidit, eam
dignitatem superis æmulam, imò & inuidendam,
naturæ non dedit, & consanguinitati, sed Petro,
quo cum nulla illi erat sanguinis communio.
Ita fecerat olim Moses Israëlis Legislator, & Prin-
ceps, cuni enim sibi vita, officioque cedendum vi-
deret, Principatum commisit Iosue, qui erat ex alie-
na

na tribu, scilicet Ephraim, Pontificatum vero non
in duos filios, quos ei natura dederat, sed in Aaro-
nem transtulit, *Vt sciremus*, inquit D. Hieronymus,
Principatum in populos, non sanguini deferendum es-
se, sed vita. Secus omnino fit hoc quo spiramus
æuo, plerumque enim officia, beneficia, dignitates,
sanguini conceduntur, non vita; & qui plus æris
habet, quod in patronos effundat, & malè prodi-
gat, ille opima beneficia inuenit, & in Crucifixi pa-
trimonium inuolat; contra quod ratio pugnat, &
Sanctorum Patrum veneranda authoritas, è quibus
(ne omnes sequar) exstat illud Diui Gregorij Na-
zianzeni oraculum, dignum cedro. *Sacrum impe-*
rium, non fortuna præda, sed virtutis præmium est.
Ethoc Ambrosij: *Non generis nobilitas, sed morum*
eligatur gratia, & virtutum prærogatiua, quia, vt
diuinè ille ipse Præsul. Præferenda est religio necef-
situdini, pietas propinquitati. Ea enim est vera pie-
tas quæ præponit diuina humanis, perpetua tem-
poralibus.

Qui eam non præfert, sibi primum scelus accer-
sit, suis clade in Ecclesiæ ruinam, quod & summum
est malum, & genus amentiæ intolerabile: Quia,
vt verissimè S. Valerianus, *stultitiae genus est alijs fe-*
cisse lucrum, & sibi parasse supplicium.

CC 3 QVAR